

319: Mana tukuzaniye

1. Mana tukuzaniye
Abana waduhaye
Bakiran'urukundo
Barag'ubwami bwawe

2. Natw'abazobarera,
N' uduh' ubgenge bgawe,
Tubatoze ya nzira
Yo kubajan' i wawe.

3. Umusaraba wawc
Tuba tubashushanijeko,
Ub' akarangabgami
Kw ar' abawe, Mukiza.

4. Kand' uwo Musaraba
Ntugume ku rukoba,
Wushire mu mitima,
Ntibiratan' ikindi .

5. Barwanan' ubutore
Musi y' iyo bendera
Barasana n' ivyaha
N' ivy' isi na Satani.

6. Bab' ab' izina ryera
Ryawe Data wa twese,
N' iry' Umwan" Umukiza,
N' irya Mpwem' Umufasha.